

寧夏省考察記

傅作霖編著 ✓

正中書局印行

版 權 所 有
翻 印 必 究

中華民國二十四年七月初版

寧 夏 省 考 察 記

全一冊 實價銀九角

(外埠酌加寄費)

編 著 者 傅 作 霖

發 行 人 吳 秉 常
南京河北路本局

印 刷 所 正 中 書 局
南京河北路宣家巷口

發 行 所 正 中 書 局
南京太平路

中華民國二十一年五月三日 收到

民國二十一年

寧夏省攷察記


葉楚傖題籤

我國極悠久之文化泉源與民族興復
之天然物質一後西北彌堅自信

傅同志辛勤萬里博覽周諮成
此一書洵為籌畫奧區之寶笈
國之賢哲黨之同志有登賀蘭山
而望者乎請以此為記里之車也

王陸一敬題

樓城之縣武靈夏寧 ↓




街大西城省夏寧 ↑

住爺王營遠定旗善拉阿
一之址 ↓



→ 寧夏省立圖書館




↑ 寧夏省中山公園之水榭






← 寧夏省北塔之近景

← 寧夏省城中山公園全景






西北途中常見之牛拉
← 汽車




↑ 黃河水上船行之困難



↓ 西北途中常見之人拉汽車

↑ 寧夏青銅峽各口
渠水之勢狀





西北人民所居之土洞



西北之公共汽車




寧夏省貧民挖掘野菜之狀況




→ 大壩上之渠工



← 寧夏大壩之水閘



→ 青銅峽渠口



→ 中國文化協會寧夏省分會成立時攝影



← 寧夏省清潔運動會檢查各校學生之狀況



→ 寧夏省之騾車



陳序

民國二十一年中央謀補救邊地服務人員之缺乏，且爲鼓勵國人經營西北計，乃有派遣中央工作同志分赴寧甘新陝等省從事教育工作之議。傅君作霖等，卽第一批奉派前往寧夏服務者也。二十二年成行，逾一載歸。報告當地情形以及觀感所及，至詳且盡，余贊其編輯成書，并爲之前言曰：

年來國人對於邊疆之建設工作，殆已莫不審其重要，惟如何着手，如何進行，因未履其地，類多遙測，鮮切實際。蓋一地有一地之特性及其歷史，因緣人事環境，往往甲地所最適宜之方法，行之乙地，成效毫無。橘逾淮而爲枳，事功之因地而變者，亦類是也。

西北爲我民族發祥之地，往昔文化所萃，固無論已；卽在漢唐，亦地關衝要，富庶咸集。乃近代以還，交通之發展，日遜於東南，復以人事天災，農工商業亦逐漸凋零殆盡。銅駝荆棘，彌勝悽愴！今當國人深切注意西北之秋，傅君以其實地所見聞者，筆之於編，公之社會，以爲關心人士探討西北之助，其間接裨益於建設工作也，不亦鉅乎？是爲序。

陳立夫二十四年一月

方序

建設救國，爲吾人一致之希望，亦爲今日當前之急務，欲期建設之推進，必先洞悉地方之情形，然後對於國家利益，地方需要，始能兼籌并顧，而收因勢利導之效，顧欲明地方之情況，則調查尙焉。此次傅君作霖奉命考察寧夏，於考察所得，著爲報告，對於該新建省區之各方面，如經濟教育，交通物產民俗等，靡不有詳盡之紀述，此於國家建設前途，裨益良深。抑西北地曠人稀，蘊藏尤富，此天府之地，亟待開發，今國人對於建設西北，漸加注意，故此種報告，彌足珍貴，甚望國人能因傅君之報告，而增加考察之興趣，俾西北各省，皆有一詳細之報告，以爲今後建設之資，則傅君此行，爲不虛矣。

民國二十四年一月二十一日方治謹序於中央黨部

引言

余有志於調查西北之工作久矣，徒以羈身首都，効力黨務，未遂所願。雖常注意西北調查之材料，而終覺事涉傳聞，未經目睹，引以爲憾。及今春奉命來寧省服務，始得事願相遂，其快何如？爾時適值孫軍西進，道路梗阻，雖經迂迴跋涉之勞，冰天雪地之苦，固不因任務之困難而生戒心也。抵寧後與馬少雲主席，及各界人士相得甚歡，並承各界諮詢建設新寧夏之方略，余固願知無不答，而苦未能詳及兼任寧夏中學及行政人員訓練所課務，地方政治材料，乃得廣採博集，且所寓爲民國日報社，地方新聞材料，尤易蒐羅。更暇時卽到農村視察社會民生狀況，凡各林場各鹽湖各牧區各大渠隄，蓋莫不有餘之足跡焉。經半年之久，所記錄之文字，已堆積滿案，於是刪繁去蕪，力取確實，遂草成是書，以期公諸社會。惟起草倉卒，章句失修，錯訛亦多，幸閱者有以諒之。

第一編 緒論

第一節 寧夏之沿革

寧夏爲禹貢雍州渠搜地，春秋時羌戎所居，秦攘匈奴取河南北地千里徙民充之，號曰新秦。自後唐以來，因黃河入青銅峽，佔居高臨下之勢，穿渠溉田既便，民益繁盛，遂爲朔方河渠農業發達之第一都會。宋時爲西夏所竊據，民富兵強，稱盛一時。歷元明清三代，綰轂三邊，屏藩秦隴，巋然屹立，又爲西北國防第一重鎮焉。民國十七年秋，中央政府以甘肅幅員遼闊，毗連蒙藏，爲縮小省區，易於敷治起見，遂將舊寧夏道屬八縣及西寧道屬七縣地區，劃分爲寧夏青海二省，寧夏卽於十八年春設官分職，行省之組織，始告成立矣。今併新設磴口中寧兩縣，共有十縣，而額濟納阿拉善兩旗，雖在省之範圍，但一切管轄行政之權，省府仍不得與問焉。

第二節 寧夏地理之位置及疆域

寧夏位於塞北，北接蒙疆，東背賀蘭山而面黃河，西南毗連秦隴，水陸交通皆爲孔道。農牧鹽鹼之利，甲於西

北。其疆域：東至陝西定邊縣界三百六十里，西至甘肅紅水縣界七百一十里，南至甘肅固原縣界四百八十里，北至綏遠臨河縣界六百五十里，東南至甘肅環縣界三百八十里，西南至甘肅靖遠縣界六百三十里，西北至阿拉善三百五十里，東北至綏遠沃野二百六十里，距甘肅省城九百四十里，距北平三千六百四十里，其疆域之廣，固有建省分治之必要也。

第三節 寧夏之土地及人口

寧夏地區係一不規則之長形，東西距離約一千五百里，南北距離約千餘里，全省面積約九十萬方里，關於人口之統計，頗不一致，且以年來天災人禍之關係，調查尤難準確。據二十二年官方之統計爲一百五十萬人，本年（二十三年）之統計爲一百三十五萬三千八百零三人，姑按此數計算，則每方里平均七人，茲將各縣之土地面積及人口數目分析平均列表於後（附表一）

寧夏各縣面積及人口數目表

縣名	面積	積	人口數目	每方里平均人數	備	考
寧夏	29961(方里)		276222(人)	921		
寧朔	27476		158039	575		
中衛	37127		275142	741		
平羅	37127		219582	571		
金積	14985		136721	912		
靈武	13546		143859	1061		
鹽池	8408		55040	654		
豫旺	18991		72573	382		
磴口	4796		16625	346		
中寧					此縣由中衛劃出以上中衛數目即二縣之總數	
合計	192417		1353803	703		
					以上數目係民二十二年由各縣呈報	

第四節 寧夏之出產

查西北各省距海洋遼遠，純係大陸性，雨量稀少，時苦亢旱。獨寧夏擅黃河之水利，故有塞上天府之稱，縱橫約有三十餘萬方里之沃野平疇，宜牧宜農，地利之厚，冠乎西北，其出產之豐富，可想而知，茲將其產品分類述之於下：

一、植物類

1. 穀類 稻 黍(黃米) 梁 麥 大麥 蕎麥 莠麥(油麥) 粟(小穀) 玉蜀黍 豌豆 蠶豆 扁豆 綠豆 黃豆 黑豆 豇豆 胡麻 芝麻 苴麻 大麻 荏子
2. 蔬類 白菜 萵苣 包菜 莧菜 菠菜 甜菜 茼蒿 茄藍 辣椒 蘿蔔 芫荽 羊芋 油菜 山藥 芹菜 芥子 葱 蒜 韭 茄 辣菜 蕨菇 苦豆 地耳 頭髮菜 大刀菜 薺菜
3. 瓜類 西瓜 甘瓜(哈密瓜) 醉瓜 香脆瓜 北瓜 南瓜(窩瓜) 東瓜 黃瓜 絲瓜 苦瓜 胡瓜 菜瓜 瓠
4. 果類 蘋果 柰果 林檎 沙果 梨 桃 杏 李 棗 葡萄 沙棗 櫻桃 胡桃(核桃) 郁李 酸棗 映日果